



Pogledaj u nju, jer su tako veće šanse da vam brak bude uspješan.'

Prenosi se od Mugire ibn Š'ubeta, radijallahu anhu, da je kazao: "Došao sam kod Vjerovjesnika, sallallahu alejhi ve sellem, te sam mu spomenuo ženu koju sam imao namjeru zaručiti. On mi je kazao: 'Pogledaj u nju, jer su tako veće šanse da vam brak bude uspješan.' Otišao sam jednoj ensarijki da je prosim od njenih roditelja, pa kada sam kazao šta je Poslanik, sallallahu alejhi ve sellem, rekao, kao da im nije bilo drago. Tada sam čuo glas te žene iz njene sobe: 'Ako ti je to rekao Allahov Poslanik, sallallahu alejhi ve sellem, onda pogledaj, a ako nije, onda te Allahom preklinjem da to ne činiš.' To je kazala, kao da je to smatrala nečim krupnim. On je kazao: 'Pogledao sam je pa sam je oženio.'" Te je spomenuo njenu saglasnost s tim.

[Vjerodostojan] [Hadis bilježi Ibn Madže - Hadis bilježi Tirmizi - Hadis bilježi Nesai - Hadis bilježi imam Ahmed]

Hadis ukazuje na preporučenost da se pogleda žena sa kojom se želi stupiti u brak, jer je to način da supružnici budu bliskiji jedan drugome i da im brak bude harmoničan i dogotrajan. U većini slučajeva, ako se supružnici upoznaju prije braka, nema kajanja nakon toga. Zbog toga je Mugire b. Šu'be, radijallahu 'anhu, došao kod Poslanika, sallallahu alejhi ve sellem, pitajući ga o braku, pa mu je Poslanik, sallallahu alejhi ve sellem, savjetovao da je pogleda. Ovaj hadis ukazuje i na obaveznost prihvatanja onoga što je došlo od Poslanika, sallallahu alejhi ve selle, bez bilo kakvog negodovanja, jer on ne naređuje osim ono u čemu je korist.

<https://sunnah.global/hadeeth/bs/show/58062>

